



## He Ni Ana Shai Ngmayem Keje

Blema ko ɛ, Shai bii ɛ ye hɔmɔ ni naa wa waa ko, afii kpawo sɔŋɔ. No bei amlɪ ɛ, gɔji ɛ anɔ ameyɔɔ. Ni niyenii fioo ni shia kome naa ameyɔɔ ɛ, nyɛɔ eshɛɔ shikome pɛ gbi kome niyeli. Hɔmɔ nɛɛ naawalɛ sɔŋɔ hewɔ ɛ, kɛ gbekɛbii bo hɔmɔ ɛ, fɔlɔi kɛ tɛ woɔ kukwɛi mli, ni amɛkɛ maa la nɔ, ni akɛ gbeɔ gbekɛbii ɛ ayitson akɛ yɛɛ ni. Amɛlakaa gbekɛbii ɛ, ni ahaa amɛwoɔ yɛɛ ɛ shishi la waa. Alakaa gbekɛbii nɛɛ akɛ yɛɛ srɔto ko ni, ni esa akɛ awo shishi la pii dani ebaabe. Be mli ni gbekɛbii ɛ huɔ la ɛ, fɔlɔi ɛ yaa ŋmɔ mli, keyataoɔ ŋmaa loo niyenii, ni nine baashɛ nɔ kɛha yeli gbi ɛ. Ni akɛbaa shia, ni abaye.

Kɛ fɔlɔi ɛ ku amɛsɛɛ keje niyenii ɛ taomɔ kɛba ɛ, amɛbabɔ gbekɛbii ɛ akɛ yɛɛ ɛ ebe lo? Gbekɛbii ɛ hereɔ nɔ akɛ dabi. Ni fɔlɔi ɛ kɛɔ akɛ yɛɛ ɛ jeeɛ yɛɛ kpakpa. Shi amɛna niyenii kpakpa mon kɛba. No bei amlɪ ɛ, gbekɛbii nɛɛ ehi shi gbi muu fɛɛ kɛ hɔmɔ.

Beɛ nɛkɛ amɛhi shi afii kpawo sɔŋɔ, dani nugbɔ banɛ ni niyenii baba, ni ana ŋmaa babaoɔ. Enɛ ha manɔbii ɛ hi shi nyɔɔɔ muu fɛɛ, ni amɛmiinya ŋmaa nɛɛ he sɔɔɔ. Ni enɛ ebatsɔ afi ni daa nɛɛ akaiɔ ɛ.

(Shai Traditional Council bii ɛ ji mɛi ni gba wɔ sane nɛɛ).

This Article was translated into Ga by Nii Adjetey Adjei of Obonu TV

[www.TheGaDangme.com](http://www.TheGaDangme.com)

[www.facebook.com/TheGaDangme](https://www.facebook.com/TheGaDangme)

[www.youtube.com/TheGaDangme](https://www.youtube.com/TheGaDangme)